

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Speculum humanae salvationis - Cod. Karlsruhe 3378

BGV Badische Versicherungen

Ostmitteldeutschland, [Mitte 14. Jh.]

Maria defensatrix, die Beschützerin

[urn:nbn:de:bsz:31-1732](https://nbn-resolving.org/urn:nbn:de:bsz:31-1732)

ir haben gehört wi maria ist vnse sonerijne
 nu sul wir horen wi si auch ist vnse beschirmerijne
Si beschirmet vns vor gotis roche vnde vor seiner stryckheit
 v or des tuvels anverhtunge vnde vor der werlde valscheit
Daz vns maria beschirmet vor gotis ezou
 d az was vns bewiset in der alien e hi bevorn
Moyles belegete di stat ezu laba atvmine
 v orte do was nyman der di stat irlozen künde
Moyles der was eyn wunder schone man
 d en sach des koniges tochter von der mueter diltke an
Daz werte also lange bi si yn lip gewan
Ezu lest lizuren vater di rede vorstan
Si sprach si wolde in gerne ezu manne nemen
 v nde also mochte man daz olouge voreben
Dem konige behagete der rat vnde tet also
 d i stat wart irlost vnde di gebangen wurden vnd
Got hatte me wenne vnuuf tusint iar
 k egen diure werlt eyn verlouge vil swar
Vns yn künde nyman syne hulde wider irwerben
 h er wolte vns allen ewilichen vorteben
Ezu lest quam maria vnse beschirmerijne
 v nde machte daz verlouge ezu sone vnde ezu myne
Do si den algeborigen got also lip gewan
 d az her si ezu einer mueter wolde vntban
Also hat vns maria beschirmet vor gotis ezou
 w ere des nicht geschen so were wir alle vorlorn
Maria beschirmet vns auch vor des tuvels list
 w enne sine behouunge mancherhande ist
Etluche lute bekoret bekoret her mit der hochwart
 a lso iesabel balthasar vn holofernes bekoret wart
Mit hazzе bekoret her bayn der sinen buider irfluc
 j acobis sone vnde saul vnde auch ander lute gnuet
Mit roche bekorte her abfalon vnde semey
 3 ente iacob vnde seinte iohes di sone hern zebetel
Mit vrankem gelouben bekorte her moyses den guten man
 k ont achab vnde abas vnde konic ieroboan
Mit widerstrebekeit vnde mit vngelorsam
 8 ekorte her bathan vnde abyron chore vnde kam
Mit bozem vorte bekorte her balaam vnde ionadab
 v nde achtophel der begen konic dauid den kosen rot gab
Mit vntrove bekorte her triphon vnde iudas
 v nde iohab der eyn vntrove morder was
Etluche bekoret her mit morden also mannaftes
 C yrus vnde antiochus doeth vnde herodes
Etluche bekoret her daz si sich selber toten oder lazen stan
 a lso iudas vn achtophel alymelech vn saul han getan
Dise behouunge vn manchje ander bose list
 h ot der boze vrient der vnse wider sache ist
Abir gotis mueter maria di maht reihe
Mac vns beschirmen vor diure behouunge algemeine

Darumme is sy an eyner vromen vrouwen verbeuuet
v on der man in der rithev buch also liest
Der hochfertige abymelech vnde der bose man
Der vacht di burger von thebes an
Di burger vlogen vnde quomen vs eynen tuum
v nte her begunde hegen yn eynen grozen sturm
Her trub vugel esu vnde wolte si verburnen gar
Des wart eyne vrome vrouwe to obene gewar
Si warf her nider von eyne molsteine eyn sturke
v nte traf syn houet esu sine grozen ungelucke
Der wurf qua yn also vnsanfte an
Daz ym das gehirne vbiu di augen van
Do her gevulte das her also seie was gewunt
Her sprach esu syne knapphen der bi ym stunt
Ezuch dyn swert vnde beym myt den lip
Daz nymanit spechen moge das nach usluk eyn wip
Abymelech der bis an syn ende hochvertik was
Berzeient vnsen vrient der heiset sathanas
Der vicht vns an mit mancherhande bekorunge
v nte wil vns verburnen mit dem bozen vngere d sunde
Abir wir lullen vns libe vrouwe vnsen an
Si mat vns wol beschirmen vor dem bosen sathan
Si beschirnet vns auch vor der werlte valsheit
Di vns mancherhande bekorunge hat bereit
Etluche werden bekorret in der werlt mit boser begerunge
n och gewelte vnde herschaft vnde des gutis samenuge
Daz is wol schyn an nemroth alexander nabuchodonosor
a thalia ab salon adonibesech codolamoz
Etluche noch pruse vn noch der werlte lob stan
a lso ezechias herodes agrippa vn aman
Etluche mit grynheit mit dube vnde mit roube vmegean
a lso giez vn achor vnde helpotrus haben getan
Etluche werden bekorret an vnkuschen dingen
a lso wir an zamley an amon an dauid an salomon vinten
Etluche werden bekorret das si reden todluche wort
a lso von nabal von sentacherib vn von raboam wart gehort
Etluche werden bekorret mit schelden vnde mit achter rede
a lso moyses fuster vnde thobias wip vn iobs wip teten
Alle durre bekorunge moge wir wol wider stan
w alle wir vns libe vrouwe sente marien lip han
Dis ist an konig dauid wal vorbewiset
v nte an vrouwen mycal von der man also liest
Dauid hatte seie groze libe esu vrouwen mycal
v nte si half ym yn sinen noten harte wol
Konig saul sante knapphen di yn solden esu tode stan
v nte si ym esu eyne venster vx das her vntian
Also wart her beschirnet vor des tuuels vburvolgunge
a lso wil vns maria beschirmen vor aller bekorunge
Ob wir si von al vnsen herzen lip han
Suzer ihu hilf vns das wir in ir libe muzen bestan



moyses belegete di stat salba abime

eyne vrouwe u'wauf aby
melechden hochvertigen m̄n



oycol n'losse dauid von saul vñ half ym
czu eyne venster v̄z